

id 1 TI

\c 3

\s Nuik: Blong duo yap nogo trang kangok go

\r 1 Timotius 3:1-7

\p

\v 1 Yang! Ngge seni solo:

“Nando lo, Blong Duo-yap nogo wengkabui so duduen go,
ngga seni ey go keballi so, duen go gemang. Ngga teguop seni!”

\v 2 No, wengkabui teguop goso lemoy genang,
nemot go wali-pegall naklay suey so se!

Yangga:

- senun, klalla seguang;
- saysuk yay don ey suing;
- kunalla segu go ey;
- wali ta suey so mlak go;
- glop keda so mea waw go degut go;
- nggano, ngunguok genang sogo kalong ey se.

\v 3 Ngga ey,

- bu don ey go miam ey kua dedrop go;
- ple sagui keda so kua go;
- ngengam so, ta pla sogo-a;
- taut nogo dabui kua iti go;

\v 4 Ngga no,

- yap-tenglam yay suey so suing go;
- duo-yap logo suall-ta ey, suey so se kokong!

\p

\v 5 Se duing!

Nemot go yap-tenglam suey so ta kua mlak go,
sogo kalik so, blong duo yap wali tap logo, nemot lo ya waw go koklong?

\v 6 Ngge se duing dall:

- Iram Yesus no demening keng go sedue,
keda so wengkabui sogo ya kua lemoy.
Ngga tang so nemot dabui ta tegue go,
Kupiam go ta ba no pui go, idekeba dall lek genaning.

\v 7 Yang!

- Ibe logo nemot go wali nogo ta ey se kong.

Nemot nogo, dia idi sogo sikabung logo ta ya kua nat.

Ngga tang so, Kupiam go don lo, nemot lek genaning.

\s Nuik: Blong duo yap nogo tegay (diaken)

\r 1 Timotius 3:8-13

\p

\v 8 Nggano, blong duo yap nogo tegay taling genang,
trang kangok go dali kalik,

- suey go, wali nemudi sogo-a;
- Bu don ey go babu so ya kua drop;
- Nggano, taut nogo dabui kua iti go;

\v 9 Ngga ey:

- Iram Yesus go wali tap seni so gigit gono,
dabui-iku lo waysagi ey mlak go se koklong.

\v 10 Kebali ta maning kua mlak gono,
banim nemotnang senong genang nemu se luik.
Kuklue kua ikum goso,
wali keballi pluok genang sogo, mea taling.

\v 11 Nggano, mianang blong duo yap ba sogo no
tegay (diaken) so taling go,

- suey go, wali nemudi sogo-a;
- meno duo sogo lomtui-lomtui kua pepen;
- saysuk yay-a don ey se suing;
- seni so pu go nogo ta ey mlak go se.

\v 12 Tegay (diaken) go

- senun klaya seguong;
- nemot go yap tenglam, duo-kabung go, suey so se tetaling.

\v 13 Yang! Tegay-tegay (diaken) keballi suey so pupluok go,
wali seni kangok go sik so, tang so sui blo sono mea pu.
Nggano, Iram Yesus waysagi ey mlak go nebut,
don ey ibe nogo, tegay-tegay lo mea tetaling.

\s Nuik: Ki Wali Iram ba sogo seni ngga, Iram Yesus gabe

\r 1 Timotius 3:14-16

\p

\v 14-15 Yang! Genam (Paulus) lo duing:

Motnang nemu-guoy genang keda so genam mea pung.

Nago no keda so sang kua pung go, sam ngge gabe kiklik.

Se senong! Ki Wali Iram go “uduo-nebo” wali genang,

sam ngge sik so mea ikum!

Yang! “Uduo-nebo” ngga, Ki Wali Mani Iram go blung gemang!

Blong ba lo koklong go blung, ngga kutrui ey neguon ey kalik.

Ku trui seni ey go blo no neguon don ey wali tap seni ey suey so se buong.

\v 16 Yang!

Wali tap ngga ba so gigit go, blong-don kangok dega seni gabe!

Ngga Iram Yesus.

Nemot nogo lek-luik sogo, ya kua!

Se duing!

- \q1 Nemot sikabung so kukunan blo nogo mo blong;
- \q2 Nemot seni ey go ibe nogo Wali Newet lo mo taling;
- \q2 Ki Wali tamot sono, Nemot go blong mo ngap;
- \q1 Nemot sogo deguo saula-saula sono gemang pepen klong;
- \q2 Nemot kukunan sikabung logo mo yang;
- \q2 Ki wali yakena blong sono tandali Ki Wali Iram lo mo wawi.

Yang! Iram Yesus ba sogo, blong-don kok gigit go, dia sono mo ngap!